



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 20. Propositiones Petri Caroli proscriptæ.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

*jicitur Purgatorium: VI. Probatarum Religionum Vota refelluntur.* Sæcul. XVI.  
A.C. 1525.

Lata est hæc censura die vigesima septima Martii.

§. XX.

*Propositiones Petri Caroli proscriptæ.*

Paulo post eadem Facultas alias damnavit propositiones, decerptas ex quibusdam sermonibus, quos Petrus Caroli Parisiis in Ecclesia S. Pauli ad populum dixit, cujus causam magis ab origine repetere necesse est. *Argen. p. 21.*  
*Dupin t. 13.*  
*p. 217.*

Jam Anno Christi millesimo quingentesimo vigesimo quarto plures ejusdem Caroli propositiones Facultati denunciabantur, atque illius Syndicus postulabat, ut ipse Caroli per quemdam Academiæ Ministrum, quem Bidellum vocant, in quodam dictæ Facultatis conventu comparere juberetur, responsurus illis, quæ eidem objicerentur. Comparuit accusatus, cum vero primus Bidellus adversa premeretur valetudine, petiit Syndicus a Capello Facultatis Decano, ut ex Deputatis unus eligeretur, qui responsiones a præfato Caroli datas in scripturam redigeret. Electus ergo est hunc in finem Claudius Charreti, & factò hoc quæstiones insti-



Sæcul. XVI. tuebantur, atque accusatus secedere  
 A. C. 1525. jubebatur, ut deputati, quid in præ-  
 senti negotio agendum, deliberarent,  
 decretumque, quod revocaretur ipse  
 Caroli, eique omnia rursus prælege-  
 rentur, ut sciretur, an in responsis per-  
 sisteret. Id & factum est, ac die deci-  
 ma octava Augusti hæ responsiones in  
 quodam conventu relectæ, atque ex il-  
 lis propositiones nonnullæ fuerunt de-  
 ceptæ, quæ postea singulis Doctoribus  
 tradebantur, ut iudicium suum desuper  
 pronuntiarent in alio confesso vigesima  
 septima Augusti die celebrando, quem  
 etiam accessit Caroli, comitantibus eum  
 duobus Notariis: ipse vero legit scriptu-  
 ram, in qua appellatio a Facultatis sen-  
 tentia ad illum, ad quem jure pertinet,  
 continebatur. Audito scripti tenore pe-  
 titi Syndicus, ut prædictæ appellatio-  
 nis exemplar sibi traderetur; cum vero  
 idem Caroli die præcedenti Bedam Syn-  
 dicum coram Officiali Parisiensi ad inju-  
 riam sibi reparandam citari fecisset, ideo  
 Facultas præcepit, ut duo Doctores præ-  
 mitterentur, qui eundem Officialem de  
 negotii serie certiore redderent, jussit  
 insuper, ut alii duo Syndicum unacum  
 Bidello ad Officialis Curiam comitaren-  
 tur, atque ab Officiali peterent, ut isto-  
 tum negotium ad Facultatem remitte-  
 ret. Verum hi repulsam tulerunt.

§. XXI.